

پازار ایرتسی فی ۱۰ جاذی الاول سنه ۱۳۲۸ و فی ۶ مایس سنه ۱۳۲۶

جمعیت اسلامیہ نیک ناشر افکاریدر


مدیر مسئول :
مکتب قضاء معلملرندن
کایدلی منبر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

تاریخ اسلام صحیفندن طاهر المولوی	عالم اسلام
اخلاق م . ص	چین مسلمانلری عبدالاحد داود
اسلامده علوم وفنون ع . عاطف	ایرانک وضعیت حاضرہ سی » » »
محاکم شرعیہ و حکام شرع قانونی لایحہ سی	ردی علی مافی القول من الردی مصطفی صبری



نسخہ سی ۱ غروشدرد

آبونه اجرتی (پوستہ اجرتیلہ برابر در)

مالک اجنبیہ ایچون :
۶۰ ، ۰۲ قرانق
» ۶ ، ۳۰

استانبول ورلایات ایچون :
بر سنہ لکی ۶۰ غروش
الشی آیلنی ۳۰ »

درج اولنیمان اوراق اعاده ایدلمز

قارئلر منزه

اکثر مقالاتہ آیات کریمہ واحادیث نبویہ درج ایدلمش بولندینی نظراعتبارہ آلتہرق رعایتسزلکده بولنلماہ سی رجا اولنور .

درسعات

محمدود بک مطبعہ سندہ طبع اولنمشدر


اولان بر استقراض مسئلہ سی قارشوسندہ بولنیور . انکاترہ وروسیہ دولتری طرفدن وعدا ولمان اقرضات ایسہ او تدر آغیر وشدید شرائط آلتندہ تکلیف اولنیورکہ عادتاً ایرانک استقلالنی تهدید ایدبور . بوندن دولاییدرکہ ایران قابینہ سی تکلیف واقعی رد ایدہ رک بر طرفدن داخلدن ، دیگر طرفدن آلمانیان بر استقراض عقد ایتمک تشبثندہ بولنیور . ایستہ مشکلات بورادن باشلا بور . انکاترہ ایلہ روسیہ حکومتلری متحداً ایران قابینہ سنہ بر نوطہ ویردرک کنڈیلرندن بشقہ دیگر بر حکومت ایلہ امتیاز معاملہ سنک اجرانہ ویاخود استقراض عقدینہ مساعدہ ایتیمہ جکلرینی بیلدیرملری اوزرینہ مجلس وکلا نائب السلطنہ حضرتلرینہ استعفا نامہ لرینی ویرمشلر ایدی . لکن مجلس مبعوثان تهدیدات اجانبہ قولاق آصمہ یہ رق قابینہ نک ابقاسنی مصرأ طلب ایتدکلرندن وزرا بتکرار موقعلرینی اشغال ایتمک قرار ویردیلر . آلمانیا ایرانک بر دولت مستقلہ اولدیغنی بالتصديق معاون بر دوست صفتیلہ ایرانہ طرق حدیدہ انشاء آتی و اقرضات کبی خصوصاً تہدہ معاونتہ آمادہ بولندیغنی وعد ایلدی . ایتہ بوسببہ مینیدرکہ روسیہ خارجہ ناظری قوت ایزوولسکی اوروپائی کزنیور . و بوندن مقصدی ایسہ آلمانیا نک شوتشبتنی عقیم برامقدن عبارتدر دنیلیور .

در سعادت جرائد یومیہ سنندن بر قسمی ماہیتی سیاہ فام بولنان شو حوادثی شایان اعتماد تلقی ایدہ رک ایرانہ دائرہ پک بدینانہ واسف آور بر طرز دہ مقالہ لر نشر ایلدیلر . « اقدام ، تصویر افکار ، صدای ملت » رفیقلمزک حسن نیت و خیرخواہلقلرندہ ذرہ قدر شہہ مز یوقدر . حتی جرائد مذکورہ نک عثمانی خارجہ نظارتک نظر دقتی جلب ایتمک مقصدیلہ یازدقبری کلمات متألمانہ دہ ہپ ایران و ایرانیلرہ قارشو عثمانیلرک پروردہ ایتمش اولدقاری محالست و تمنیات خیرخواہانہ اثری بولندیغنی دہ

علوی ہمہ مسلمان ۶۴۳ تاریخ میلادی سنندہ حیات دنیویہ ایلہ قطع علاقہ ایدرک اعلای علیینہ انتقال یوردی . تربہ شریفہ لر [قانتون] شہرینک بیوک شمالی قبوسندہ اولوب ایوم زیارتکاہ مسلمین در . قانتونہ کی جوامع و مساجد میانندہ بالخاصہ ایکی جامع شریف واردرکہ آنلرک ایلاک انشاسی - بر قاج تعمیراتہ اوغرامشدر - حضرت وہاب جانبدن اجرا قائمشدی . ایوم دخی بو ایکی جامع شریف موجود و زیارتکاہ مؤمنیندر . بریسنہ چینیلر (مربع باغودا) دیرلر . [قانتون] دکلدن ہر سیاح شو جامع پرلامی مطلقاً زیارت و سیر ایدرلر . حضرت وہابک چیندہ کی موفقیاتی اہالی مکہ و مدینہ پی بیوک بر مسرتہ الذا ایلشیدی . ایکنجی عزیزمتندہ بر چوق حفاظ و وعاظ ایلہ تجار عرب مشار ایلہ حضرتلرینہ ترفیق ایدلدی . بوسایہ دہ اقصای شرقہ بول آجیلمش اولدی . اسلاملر بالخاصہ عربلر برأ کاروان ایلہ آسیای وسطانک طرق قدیمہ لریلہ و بحرأ ایسہ ایران خلیجندن و مصر دن چینہ طوغری پی در پی کیتیمکدہ دوام ایتدیلر .

مابعدی وار

عبرادہر دارد



ایرانک وضعیت حاضرہ سی

بر ایکی ہفتہ دن بری سن پترسبورغدن ترشح ایدن ، آژانسلر طرفدن انکاکیز غزتہ لرندہ نشر اولنان روایاتہ نظرأ ایرانک احوال حاضرہ سی پک فنا بروضیتدہ ارأہ اولتمقدہ در . ایران حکومتی بوکون طام طاگیر دنیلہ جک درجہ دہ بوش بر خزینہ و وارداتی پک ضعیف برمالیہ نظرارتی ایلہ نہ یاپہ جغنی بیلہ میہ رک انکشت بردہان حیرت طورہ مقدہ اولدیغنی کبی حل صوک درجہ دہ مشکل

معلم در . فقط بو خصوصه ایرانك احوال عمومیه سی و بحران حاضر ك مابقی براز دور و دراز تدقیق ایدیلیر ایسه کوروله جکدر که او قدرده اندیشه به سبب یوقدر . ایران قورتولدی ! ایرانی محو و پریشان ایدوبیله جك یكانه قوت انكلتزه و روسیه دولتری دکلدر . چونکه یویله بر ملا حظہ نی شایان قبول کورمك بالخاصه انکلتزہ نی ظلم و تحکم ایله اتهامی ملتزم اولور . حالبوکه انکلیز قومك افکار معدلتکارانه لری ، حیات حریت پرورانه لری عالمجه معلومدر . ایرانی محو ایدوبیله جك قوت یالکیز دیو استبدادك تمامی بقاسی و او کذب و شیطنت مخترعی محمد علی نك کسرالر اورنکنده دوام سلطنتی قضیه سی ایدی . المنة لله که بو کون ایرانك بودشمن اعظمی کمال قهر و غضاحتله جالس اولدینی تحت سلاطنتدن خلع و مملکتدن نفی و طرد اولندی .

فی الحقیقه تا (۱۹۰۰) سنه سنده ایرانده منفعت پرستانه بر مسلاک تعقیب ایدن روسیه و انکلتزه دولتری بینلرنده برنوع ائتلاف عقد ایدرک ایرانك امور نفعه و مایله سی حقندده اساس ائتلاف اولمق اوزره اون سنه برمدت کچمه دن دیگر هیچ بردواته نفعه امتیازاتی و برلیه جکنه دأر طهران قابینه نندن قطعی وعد آلمشلردی . بدی سنه صکره یعنی ۱۹۰۷ سنه سی آغستوسك ۳۱ نده لوندرد و پترسبورغ حکومتلری دیگر برائتلاف عمومی دهاءقد ایدرک نایدی سنه دن بری زهینی احضار و ترتیب ایدلمش اولان ایران استقراض مسئله سنی دخی قطعی رشکلدده تحدید و تعیین ایشلرلردی . ایکی قوم شو و دوست حکومت بینلرنده اقراضات ، تقارینك دخی بالمناصفه اجرا اولمنی تحت قراره آلهرق ایرانك امور مایله و واردات نفعه سنی قوت و تزلزلاری آلتنه آلمق اساسنی قورمشلردی .

کچن سنه آغستوسده لوندردده طبع و نشر اولنوب باصر قرالی ایکی پارلمنتو مجلساری اعضاسنه توزیع ایدیلان و لوندرده خارجیه نظارتیله طهران و پترسبورغ انکلتزه

سفارتخانه لری میاخنده ایرانه دأر اولمق اوزره جریان ایدن مخابرات رسمیه نی محتوی بولنان (بیاض کتاب) که غایت مفصل و معلومات بخش بر اثر در . بو اثر معالعه کذارم اولدی . انکلیز جرائدی ایله ده اولدجه آشنالغ وار . انکلیزلردن و انکلیز پولتیقه و حسیاتندن بحث ایدن بر ذات کیم اولورسه اولسون ، انکلتزه ده بر قیاسنه اقامت ایتمکله برابر بر پارچه ده انکلیزلرک حیات عائله و تربیه مله لرینه کسب و قوف ایتمش بولمنی ایجاب ایدر . یوقسه فرانسه کتابلرندن یا خود دیگر منابعدن معلومات آلمق صورتیله انکلیزلر حقندده بیان مطالعه ایدن بر عثمانی محرری مطلقا محاکماتده اصابت ایدمن ذکر ایتدی کیمز « بیاض کتاب » ده بتون انکلتزه - ایران معاملات سیاسیه سنده خارجیه ناظری یرادوارد غره دی و طهران ایله سن پترسبورغ سفیرلرینك انکلیزلرد یافیشه جق بر مسلاک ثابت و — تقیم اوزره حرک ایلدکاری اراشه ایدیلور . شاه مخلوع بالدفعات درت یوز بیک ایرا استقراض ایتمك تشبثده بولندی . و مکرراً اعاده قانون اساسی نی اعلان ایدرجکنی وعد ایتدی . قونت ایزوولسکی ، روسیه خارجیه ناظری مصرأ انکلتزه قابینه سنه مبالغ مذکورك اقراض ایدلمنی تکلیف ایلدیکی خالد سیر ادوارد غره دی حضرتلری تام جنتلمن برانکلیز صفتیله « خیر اوله من ، وعدینی ایفا ایدوب اداره مشروطه نی اعاده ایتدکچه شاهه هیچ پاره و برلیه جکدر » دیدی ! حتی ، شاه اعلان مشروطیت ایتمش اولسه بیله ، ملت طرفندن انتخاب اولنان مبعوثان اجتماع ایتدکچه بش پاره و برلیه جکفی مکرراً تبلیغ ایلدی .

انکلیز خارجیه ناظری - طهران و پترسبورغ سفیرلرینه « حال حاضرده شاهه پاره اقراض ایتمك استبدادك تأیدی و مشروطیتك محوی اسبابی احضار ایدرجکدر » مألده بیانانده بولندی . بو کتابك مطالعه سنی توصیه

شاوړه ایدره ك خصوص مذکور ایچون شاه ایله ملاقات
ایتمكلمزه قرار ویردك . روسیه سفیری چهارشنبه
کونی شاه ایله کوروشدی بن ایسه ایرتسی کون
اعلی حضرت ایله ملاقات ایلدم .

« شاهه دیدم که شو خصوصی ملاقاتی استرحام ایتمکدن
مقصدم بحران حاضریدن بحث ایتمکدن عبارت ایدی .
لکن بالخاصه ذات شهابتپناهیلرینی تأمین ایتمک ایسترم که
بتون آمل جدیدم ذات شاهانه لرینک ومنافع حقیقه
ایرانیه نك محافظه سنه خدمت ایتمکدر .

« ذات حضرت حکمداریلرینه معلوم اولدینی اوزره
بیوک بریتانیا ایله روسیه دولترینک ایرانده اتخاذا
ایلدکاری اساس اصلی ایرانک امور داخلیه سنه
مداخله ایتمه مکدن عبارتدر . بو قاعده اصلیه دن ابدا
انحراف اولمیه جقدر . فقط همجوار دوست اولق
صفیه ایکی دولتر دائماً ایرانک ترقی و تکامانی صالح
ومسالت دأر سنده آرزو ایتمکله برابر بو مملکتده
یفیندن مناسباتمز اولدینی ایچون حکومت شاهیه
تقویت ونصایح خیرخواهانه ویرمکی روس آرقداشمله
برلکده وظیفه عد ایدرز . بناءً علیه قویاً امید
ایدرم که رفیق ایله برلکده دول متبوعه من طرفندن
آلدیغمز تعلیمات ووامر اوزرینه ایرانک شو مدهش
بحران ایچنده بولندینی بر زمانده عرض ایده جکمز
رأی ونصایح دوستانه ذات حضرت حکمدارلرینک
مظهر قبولی اوله جقدر . بزه وارد اولان معلوماته کوره
پایتختده وایالاتده اهالی عظیم بر غلیان وهیجان ایچنده
بولنیور اعلی حضرت کندی قومنه اعاده اداره مشرو
طه نك تأیسی وعد ایتمشدر . هم شو وعد کمال تمکین
وصراحتله ایکی دولت مواجهه سنده وقوع بولمشدر .

مابعدی وار

عبدالاحمد دار

ایدرز تا که حقیقت آکلاشاسون انکلین حکومتی
زمامدارانی نه قدر خیرخواه درلر . طوغروسی محمدعلی نك
بوتون قوای استبدادیه سنی کسر ایدن قوتک انکلین
تضییق اولدینی مذکور آق کتابک مطالعه سندن معلوم
اولور . ایراندیلر مدنیت ومشروطیتنه نائل اوله بیامک ایچون
بوقدر فدا کاراقلر یابدقندن وبوقدر قانلر دوکدن صکره
بتون انکلین قوم اصیانک توجهنه مظهر اولمشادرر .

ایرانک تاریخ ملی وسیاسی سنده مهم بر نقطه یی
تشکیل ایدن بر وقعینی بر وجه زیر اجمالاً [آق کتاب]
دن اقتباس ایدرک بورایه قید ایدیورز ۱۹۰۸ تشرین
نایسنک بریسنده طهرانده « باع شاهده » مشروطیت
علمینده اولق اوزره عظیم بر نمایش واجتماع وقوع
بولمش ایدی . علما طرفندن اصول مشروطیتک عادات
واحکام اسلامییه بغیر اولدیغنه دأر — هم ایالات وهم
پایتخت علماسی طرفندن — بر بیاننامه شاه سابقه تقدیم
ایلمشیدی . محمد علی دخی بو عرضحاله جواباً علی
الفور بر بیاننامه نشر ایدره ك قانون اساسینک احکام
قرآنییه مخالف اولدینی فرمان ایلدی . بونک اوزرینه
صوک درجه حدته کلن انکلین ایاجیسی روس ارقداشمله
باذا کرده شاهدن درحال ملاقات طاب ایلدینر شاه
سابق ایله انکلین ایاجیسی میانده وقوع بولان مکالمه نك
جریانی بر وجه آتی خلاصه ترجمه ایدیورم .

« سیرج . بارکلهی سیر ادوارد غره یی [طهران
۱۵ تشرین ثانی ۱۹۰۸]

افندی ! کچن جمعه ایرتسی کونی اوچ درت ناظرلرک یعنی صدر
اعظم ووزیر جنگ امیر بهادر کبی ذالمرک تحریکاتی ایله باغ شاهده
وقوع بولان اجتماعده ایلانندن مشروطیت علمینده ارسال
قلنان تلغرافنامه لر قرائت اولندی وبعده نمایشجیلر شاهه
پارلامنتو اصولنک احکام اسلامییه مخالف اولدیغنه دأر
بر عرضحال ویردی شاه دخی بر منشور ایله مطالبی
قبول وترویج ایتمش اولدیغندن درحال روس آرقداشمله